

Futurum exactum

Autor(en): **Indergand, Elvana**

Objektyp: **Article**

Zeitschrift: **Igl Ischi : organ della Romania (Societat de Students Romontschs)**

Band (Jahr): **76 (1991)**

Heft 3

PDF erstellt am: **06.08.2024**

Persistenter Link: <https://doi.org/10.5169/seals-881875>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

FUTURUM EXACTUM

Legendas: Elvana Indergand

Enten gliez temps stevan monstrusas ruinas d'investiziun ellas alps, mirs da fermada ch'eran d'avegnai unfrenadas dall'erosiun, e per la cuntrada eran sterna mellis e mellis meters cubic da betun. Las pastiras eran carschidas en cun caglias e flurs striauna. Las plauncas eran co-tschnas dil sulegl. Ils lags artificialis eran senza in dagnuot aua.

Tgei era schabegiau?

Ei deva buca energia atomara pli, perquei ch'ils problems gigantics d'ills rumians radioactivs eran buca sligibels. Ils implonts da retractament eran surdumandai e danvonz perquei che la producciun dad armas atomaras era vegnida sistida ed ils magazins da rumians retractai mavan surora. La NAGRA, impotentia en vesta alla problematica ardenta ed aunc adina senza deponias concretas, veva pretendiu ch'ins desisti immediatamein dalla energia atomara.

Surrein, ils 30.04.1920



Zervreila



Entochen la mesadad da nies tschentaner era l'aua sma-natscha permanenta. Suenten gl'unviern vegneva il favugn che luentava la neiv. Inundaziuns, arschella e glera destruevan la tiara. Quels dalla Bassa vevan fatg amogna daners per astgar regular l'aua. Ed ils muntagnards, che vevan dau neu ella, festivavan las empremas ovras, ils

mirs ed ils rempars. Quei era il progress tecnic. La pesca da scaruns, sco cheu sin quella fotografia ils onns 20 e 30 a Surrein, nua che la fom sfurzava ils fraudaders, la strola sut il tschiep, alla riva dil Rein, ei oz legendar. Gia daditg ein els morts era entochen alla fontauna dil Rein. Era las litgivas e las litschals. L'aua tartignada, ils rempars nun-



CM, Dardin, 1910

surventscheivels dallas ovras hidraulicas ed il funs da glietta vevan fatg il lur. L'aua che vegneva da tuttas uras e cun gronda forza ord ils lags artificialis veva magliau or ils davos loghens da fregar.

L'utilisaziun dall'aua currenta sco fontauna d'energia per las rodas mulin ei ina gronda prestaziun tecnica ch'ha giu ina renaschientscha alla fin dils onns 90. Il mu-

lins ein daventai loghens da sentupada per da tutta glied dil marcau e dalla tiara. Il muliners vegnan suspectai, perquei ch' il mulins spatitschai ein bein adattai per radunonzas secretas. Buc senza raschuns. Il pigns vevan priu il pigns orda sac per cumbatter il gronds. Don Quijote, encuraschus da sias exprientschas ch'el veva fatg ella Mancha, era seligius cun la mulinera

Verena. Sut il motto «senza aua negina veta» vevan il muliners da tuttas tiaras fundau ina Task Force verda ch'era specialisada da dismetter las ovras hidraulicas per liung dils flums ch'eran daventadas anacronisticas. Igl ufeci federal per ambient, ual e cuntrada che subvenziunescha quella lavur, ei actualmein el clinch cun il departement federal d'economia ch'ei aunc encunter quellas novaziuns.

Il model dalla davosa ovra electrica planisada en Svizra. Da vart dretga veseis Vus la centrala, nua che duas turbinas ein installadas, dasperas las treis portas dil rempar. Previ eran 5 da quels rempars denter Buchs e Bendern el Principadi sin ina lunghezia da 27 kilometers. 1992 vevan ins entschiet a baghegiar l'emprema etappa dalla vart dil Principadi. La societad indigena per la protecziun dalla natira e l'uniun «Salvei il Rein», che veva la sedia ella Val dil Rein da Sogn Gagl, vevan denton tratg quei cass atras las instanzas entochen a Losanna e gudignau. La dertgira federala veva decidiu ch'ins stoppi immediat calar da baghegiar e disponiu che la ruina hagi ina valeta museala, stoppi perquei vegni mantenida per il vegnentsuenter sco exempel stermentont dalla surutilisaziun dallas auas.

Model dalla ovra electrica denter Buchs e Bendern



